

14.05.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Inuiaat Kalaallit Naalakkersuisunut akineqartussanik, oqaatsinut allanut nutseqqaarnagu pisortatigoortumik kalaallisut oqaasivitsik taamaallaat atorlugit allakkatigut aperisinnaatitaappat akissuteqarlutillu?**
- 2. Naalakkersuisut isumaqatigaat Inatsisartut tassaasut Inuiaat Kalaallit sinnissaat?**
- 3. Inatsisartunut ilaasortat Naalakkersuisoqarfinnut Naalakkersuisunullu, Kalaallit Nunaanni pisortatigoortumik oqaasituaasut taamaallaat atorlugit allakkatigut aperisinnaatitaappat? Uani taamaallaat Naalakkersuisunut Naalakkersuisoqarfinnullu toqqaannarpiaq allakkatigut saaffiginnittoqassatillugu maleruagassarineqartut pillugit akissutit piumaneqarput.**
- 4. Qinikkat pisortaqaarfinnut kalaallisut oqaatsit atorlugit aperisinnaatitaanermut inerteqqutaatitsisunik arlaatigut inatsiseqarpa?**

(Inatsisartunut ilaasortaq Hans Enoksen, Naleraq)

Tunngavilersuutit:

Kalaallit Nunaanni pisortatigoortumik oqaasituaasut atorlugit Innuttaasut sinniisuilu (Inatsisartut) Naalakkersuisoqarfinnut pisortatigoortumik oqaatsitik atorlugit nalinginnaasumik aperisinnaatitaanerat ajornarnersoq paasineqartariaqarmat apeqqutit ingerlateqqinneqarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.